



# МАЛҒА ЖАРЛЫ БОЛСА Да, АЙТАР СӨЗГЕ, ТІЛГЕ БАЙ



Тәнірберген (Тәнірберлі) Молдабай әні XIX ғасырдың аяғы мен XX ғасырдың басында бүкіл қазақ даласын шарлап кеткен, дауылпаз ән болды. Сол қазақтың кең даласына кеңінен танылған кең тынысты әннің авторы, өнер иесі Молдабайды өз өнеріне сай құрметтей алдық па? Осы ой көптен бері мазалаушы еді.

Өйткені, «Тәнірберген Молдабай» әні менің құлағыма сіңсті болған ән-тұғын. Экем бұл әнді, керемет домбырашы болмаса да, қолы бос, көнілді отырган шағында «Тәнірберген Молдабай» деп қойып, домбырамен тартып отыратын. Сол жылдардағы құлағымда қалған «Тәнірберген Молдабай, малға жарлы болса да, айттар сөзге, тілге бай» деген өлең жолдарымен қатар, «алтын қалпақ, жez телпек хандар киер көзіне» деп, шалқы соққан өлеңді ұмытпаған едім. Бұл ән қазір «Қоңыр» тобының орындауда жаңа қырынан танылыш, барша жұрттың көңілін баурап алды.

1976 – 1978 жылдары қызмет бабымен жүріп, Сыр еліндегі атақты жыраулардың бірі Мұхамедияр Жабағиевпен Қараөзек бойында кездесіп, әңгімелесіп, ән-жырларын тыңдаған болатынмын. Сол тұста тағы да алдыннан «Тәнірберген Молдабай» әні шықты. М.Жабағиевпен қатар, Ақмырза Тұяқбаев та осы әнді айтатын.

Кейіннен жұмысбасты болып жүріп, Молдабайды ұмытып кеттім. Алайда, арада бірталай уақыт өткесін, республикалық газете жұмыс істеп жүргенімде, дауылпаз әнші ойыма оралып, ол туралы деректерді, түрлі басылымдардағы мақалаларды ақтарып қарап, сарайлай бастадым.

Молдабай әншіні жалпы зерттелмегі, ол туралы ешнэрсе жазылмады десек, қателескендік болады. XX ғасырдың отызыншы жылдарында халық ағарту комиссары болған Темірбек Жүргеновтен бастап, академик Ахмет Жұбанов, Евгений Брусиловский, тағы басқалары кезінде зерделеп, оның жалғыз-ақ өлеңін ізінен ерген талантты шәкірті Әділ Құрмановтың айтуымен нотаға түсірген. Сонымен қатар, «Қазақ қолжазбаларының ғылыми сипаттамасы» жинағының 5-томында М.О.Әуезов атындағы Әдебиет және өнер институтының қолжазба корының 184-бетінде Молдабайдың «Бозбала, жастық шағың шекер-балдай» атты өлеңінің көрсеткіші бар екен. Оны жинаушы – Фалымжан Мұқатов, қорға тапсыруши – Балтабай Адамбаев.

Шежіре, ата-тек жайында аздал хабардар болғандықтан, Молдабай әнші-жыршының шыққан тегі мен ата-баба, әулеті жайында зерделей бастадым. Сонда алғаш қолыма іліккен «Сыр сүлейін сұрасан» (2008 ж.) музикалық антологиясы болды. Оны құрастыруши – белгілі жыршы-ғалым Берік Жүсіпов. Антология топтамасының 3-дискісінде Молдабай әнін беріл, «Алаша Молдабай» деп жазылыпты. Жалпы, Сыр елінде Молдабайды орынборлық деп айтатын. Оның тегін теренірек білмейтіндері аңғарылатын.

Белгілі сазгер, жазушы Илия Жақановтың 2012 жылы шыққан «Тәнірберді Молдабай» атты эссе-элегиясын оқыған соң, көптен күткенім көктен түскендей, жоғым табылғандай болып қалдым. Куандым да, осы мақаланы жазғанды жөн көрдім.

Сыр елінде Молдабайдың әнін білгенімен, орындаушылар оның шыққан тегін толық біле бермейді. Өйткені, қоныс бөлек, жер шалғай және оны қөргендердің өзі үшіндерден өтіп кеткенді. И.Жақанов ағамыздың жоғарыда аталған кітабы күмәнді тұстарды

нақтылауға, тіпті, Молдабай әншінің бар болмыс-бітімінің танылуына жол ашқан. Бала құнгі естіген «Тәнірберген Молдабай» әні ғана емес, зерттеулер нәтижесінде оның басқа да ән-жырлары болғаны белгілі болып тұр. Бұл тұста композитор Илия Жақановтың еңбегі айрықша деуге болады. Ол кісі жасының егде тартқанына қарамастан, Молдабай әнші өмір сүрген аймақта бірнеше рет болып, зерттеу жүргізген. Бұл дегеніміз – XXI ғасыр үрпақтарына бұдан 150-160 жыл бұрын өмір сүрген әнші Молдабайды тірілтіп, шығармаларын айналымға қости деген сөз. Бұл – орасан зор еңбек. Демек, Молдабай – әнші, жырши, сазгер, оның шығармаларын зерттеуге, оның есімін құрметтеуге кең жол ашылды. Бұл тұста Ақтөбе облыстық газеті мен «Айқын» газеті және «Қазақстан» телеарнасы біраз ізденістер жасап, Тәнірберген Молдабайдың өнерін бүгінгі үрпаққа жеткізу мақсатында мақалалар жазып, көрсетілімдер көрсетті.

Молдабайды Алаша руынан деу оның әндерін орындаған, Әкімгерейдің көзін көрген Мұхамедияр Жабагиевтан шығуы мүмкін. Ол Әкімгерей жыраудың кезінде айтқаның ұмытып қалғандықтан болар деп ойлаймын. Молдабайдың шыққан тегін, туып-өскен жерін нақтылаған бірден-бір адам – Илия Жақанов. Сонымен, Молдабай әнші Тама руының Аташал бұтағынан. Аташалдың бір баласы – Тәнірберлі (Тәнірберді деп те айтылып жүр – Т.Д.) Тәнірберліден – Сары, одан Жолбарыс тұған. Жолбарыстан – Торғай, одан Молдабайдың әкесі тұады. Молдабай, негізінен, Торғаев болып жазылды. Әншінің әкесінің аты белгісіз, ол оның момын болуы әрі ерте қайтыс болуынан және Молдабай атасының бауырында өскендіктен болар деп ойлаймын. Жалпы, Молдабай хақында жазылған дүниелерден атасы Торғай, өзінің баласы Жиеншора немересі Есенаман, шөбересі Мұрат та әнші болғандығын білуге болады. Демек, Молдабай әuletінде әнші, жырау, жыршылық жалғасқан.

Молдабай хақында оның жақын ағайын-туысқандарымен қатар, белгілі өнертанушылар да зерттеулер жасады. Солардың қатарына Әкімгерей Қостанов, Ахмет Жұбанов, Сыдық Мұхамеджанов, Әділ Құрманов, шежіреші қария Сейітқали Жанғалиев, Мақсат Қарлығашов, Елена Ониськова, Әсия Қалижанқызы Рақымжандар мен басқа да ел азаматтарын жатқызуға болады. Солардың зерттеулері негізінде «Замана азғанда», «Бестоспа», «Қойшының әні», «Сусар-ай» әндері табылған. Тіпті, белгілі кинорежиссер Шәкен Айманов «Алдар көсе» фильміне Молдабайдың әнін пайдаланғандығы да айтылып жүр.

Молдабайды, «Тәнірберген Молдабай» әнін нақышына келтіре айтқан Әли Құрмановты, сол кездегі өнер адамдарын зерделеуде академик Ахмет Жұбановтың, әнші, жырау Әкімгерейлердің еңбектері ұшан-теніз. Сонымен, Молдабай Торғаев, Елена Ониськованың жазуынша, 1858 жылы бұрынғы Торғай облысы Ақтөбе уезінің Бөрлі болысының №3 ауылында тұғаның, 1921-1922 жылдардағы ашаршылық тұсында өмірден өтіп, бабалары жерленген Күшікбай сұы бойындағы қорымға қойылғанын білдік. Илия ағаның жазуына қарап, Молдабай қорымының қоршауы алынып, көктастарының бұзылғанын аңғарамыз.

Ілекең бас болып, ақтөбелік азаматтар игілікті істі қолдап, Молдабай әншінің бейітін жөнде, қоршап, облыстық дәрежеде «Тәнірберген Молдабай» шығармашылығы жайлы ғылыми-тәжірбиелік конференция өткізді. Мәртөк ауданы әкімінің орынбасары Бұлбұл Күзенбаевдан 2016 жылы ауданда Молдабай шығармашылығын насиҳаттау шаралары кеңінен қолға алынып, республикалық деңгейде «Тәнірберген Молдабайдың» есімі құрметтелетінін естіп-білдік. Естідік те қуандық. Жобаланған ізгі іс ойдағыда орындалып жатса, нұр үстіне нұр болмак. Жоғарыда есімдері аталған азаматтардан басқа, әнші Жұсіп Сейілов, Қоянбай Тобағабылов және белгілі әнші, жырау, қоғам қайраткері Бекболат Тілеухановтың орындауында қазір Молдабай әні қазақ елі аспанында шарықтауда. Алайда, бұл аздық етеді.

Әкелерім–Дайрабай, Майлыбай, басқа да Сыр еліндегі көнекөз қариялардың ағасы, әкесі болып табылатын Дүр-Оңғар жыраудың орынборлық Молдабай жыраумен айтысқанын айтушы еді. Молдабайдың Орынбор базарында ойын-сауық құрып, аспандата

ән шырқағаны белгілі. Сол тұста, 1859 жылы Қармақшы өнірінде туып-өскен Оңғар ақынның «Асылзат дәреженді жақсы көрдім» атты өлеңіндегі:

... «Аузында Орынбордың мұнанайды,

Мұнанай тастан сокқан құламайды», –деген жолдарынан-ақ Оңғар ақын-жыраудың Орынбор базарында болғандығы, онда жыр айтқанын байқайсыз. Сондай бір күндері атақты Молдабай ақынмен кездесіп, айтысусы да мүмкін ғой. Қарттар қате айтпаса керек. Екінші бір деректе Молдабайдың Кердере руының Алтын есімді қызымен айтысқаны айтылып жүр. Демек, Молдабай әнші, жыршы, сазгер ғана емес, ақын, сері болған азамат. Құс салып, тазы жүгірткен аңшы да. Тәнірберген Молдабай -бір өнір не болмаса бір аймақтың ғана емес, тұтас қазақ елінің дауылпаз әншісі. Сондықтан да оның әндерін насихаттап, өнерсүйер қауымға кеңінен таныстыру – бүгінгі ұрпақтың міндегі және абыройлы ісі болмақ. Әнші, жыршы, сазгер, сері, ақын Молдабайдың қазақ даласына түгел жеткен «Тәнірберген Молдабай» әнінің нұсқасын ұсынуды жөн деп таптым.

**Тынышбек ДАЙРАБАЙ,  
зерттеуші, этнограф.**